



Broj: 07-14-1757/18
Vogošća, 15.11.2018. godine

Na osnovu člana 70. Zakona o javnim nabavkama BiH ("Službeni glasnik BiH" broj: 39/14), i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 15.11.2018. godine donio je

**ODLUKU
O IZBORU NAJPOVOLJNIJEG PONUĐAČA ZA NABAVKU I ISPORUKU KONTEJNERA ZA
SMEĆE, ZAPREMINE 1100 LITARA**

Član 1.

Ponuda ponuđača "T&A Auto" d.o.o. Visoko, ulica Zanatski centar "Sebilj 2" bb Visoko, odabrana je za nabavku i isporuku kontejnera za smeće, zapremine 1100 litara, kao prvoplasirana na Rang listi uz primjenu preferencijalnog tretmana domaćeg, sa ponuđenom najnižom cijenom tehnički zadovoljavajuće ponude u iznosu od 9.766,00 KM bez PDV-a, odnosno 11.426,22 KM sa uračunatim PDV-om.

Član 2.

Ova Odluka stupa na snagu danom donošenja, a objaviće se na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 30.10.2018. godine donio Odluku o pokretanju postupka Konkurentskog zahtjeva za dostavu ponuda za nabavku i isporuku kontejnera za smeće, zapremine 1100 litara zajedno sa objavljivanjem obavještenja o nabavci i tenderske dokumentacije na Portalu javnih nabavki BiH dana 31.10.2018. godine pod brojem: 1353-7-1-127-3-77/18.

Tendersku dokumentaciju sa Portala javnih nabavki BiH je preuzelo 15 (petnaest) ponuđača. Krajnji rok za dostavu ponuda bio je 12.11.2018. godine do 14:00 sati, te je izvršeno javno otvaranje ponuda, što je konstatovano Zapisnikom sa otvaranja ponuda od 12.11.2018. godine.

Nakon izvršenog otvaranja ponuda, Komisija za javne nabavke je pristupila analizi dokumentacije priložene uz ponude, u smislu provjere njihove validnosti, s obzirom na iskazane zahtjeve Ugovornog organa u Tenderskoj dokumentaciji broj: 07-14-1757/18 iz oktobra 2018. godine, odnosno pregledu ponuda u skladu sa procedurama i pravilima utvrđenim Tenderskom dokumentacijom, te Zakonom o javnim nabavkama BiH i pripadajućim podzakonskim aktima.

Shodno navedenom Zapisniku sa otvaranja ponuda, Komisija za javne nabavke je konstatovala da su zaprimljene 3 (tri) ponude i to:

R.B.	NAZIV PONUĐAČA/GRUPE PONUĐAČA	UKUPNA CIJENA (KM) bez PDV-a	POPUST	CIJENA (KM)SA POPUSTOM bez PDV-a	UKUPNA CIJENA (KM) sa PDV-om
1	"ProTim" d.o.o. Sarajevo	11.120,00	/	/	13.010,40
2	"Inter-com" d.o.o. Zenica	11.211,20	/	/	13.117,10
3	"T&A Auto" d.o.o. Visoko	11.171,20	/	/	13.070,30

Uvidom u priloženu dokumentaciju i suštinskom provjerom sadržaja i validnosti iste, Komisija za javne nabavke je utvrdila da Ponude ponuđača:

- "ProTim" d.o.o. Sarajevo,
- "Inter-com" d.o.o. Zenica i
- "T&A Auto" d.o.o. Visoko

ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom.

Zatim je Komisija za javne nabavke pristupila razmatranju finansijskog dijela Ponuda ponuđača koji ispunjavaju formalno-pravne uslove, odnosno zahtjeve Ugovornog organa tražene Tenderskom dokumentacijom, te je izvršena računaska provjera dostavljenih ponuda i utvrđeno je da nema računskih grešaka, a sve u skladu sa odredbom člana 17. stav 1. Uputstva za pripremu modela tenderske dokumentacije i ponuda ("Službeni glasnik BiH" broj: 90/14 i 20/15).

Komisija za javne nabavke je zatim konstatovala da je jedino ponuđač "T&A Auto" d.o.o. Visoko dostavio Potvrdu Vanjskotrgovinske komore BiH, a u cilju dokazivanja ispunjenja uslova o primjeni preferencijalnog tretmana domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH", broj: 83/16).

Tačkom 9.2. TD je propisano da će Ugovorni organ u svrhu poređenja ponuda primijeniti preferencijalni tretman domaćeg, u skladu sa Odlukom o obaveznoj primjeni preferencijalnog tretmana domaćeg, donesenoj od strane Vijeća ministara Bosne i Hercegovine ("Službeni glasnik BiH" broj: 83/16), te će u svrhu poređenja ponuda umanjiti cijene domaćih ponuda za preferencijalni faktor od 10 % za ugovore koji se dodjeljuju u 2018. godini.

Domaćim ponudama se smatraju ponude koje dostave pravna ili fizička lica sa sjedištem u BiH i kod kojih, u slučaju ugovora o javnoj nabavci roba, najmanje 50 % ukupne vrijednosti od ponuđenih roba imaju porijeklo iz BiH.

Tenderskom dokumentacijom-tačkom 9. 5. (Ispravka računskih grešaka i E-aukcija), a u skladu sa Pravilnikom o uslovima i načinu korištenja E-aukcije ("Službeni glasnik BiH" broj: 66/16) predviđen je postupak E-aukcije, koji uključuje podnošenje novih cijena, izmijenjenih naniže, ili cijena i novih (poboljšanih) vrijednosti koje se odnose na određene elemente ponuda, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u informacionom sistemu E-nabavke.

E-aukcija je bila zakazana za 15.11.2018. godine u 9:00 sati.

Nakon provedenog postupka E-aukcije i po završetku iste, a u skladu sa Izvještajem o toku i završetku E-aukcije od 15.11.2018. godine, Komisija za javne nabavke je sačinila sljedeću Rang listu u postupku Konkurentskog zahtjeva za dostavu ponuda za nabavku i isporuku kontejnera za smeće, zapremine 1100 litara:

R.B.	NAZIV PONUĐAČA	UKUPNA CIJENA (KM) bez PDV-a	UKUPNA CIJENA (KM) sa PDV-om
1	"T&A Auto" d.o.o. Visoko	9.766,00*	11.426,22
2	"Inter-com" d.o.o. Zenica	8.800,00	10.296,00
3	"ProTim" d.o.o. Sarajevo	10.040,00	11.746,80

*Označava cijenu na koju se primjenjuje preferencijalni tretman

Iz navedenih razloga, a primjenom člana 64. stav 1. tačka b) Zakona o javnim nabavkama BiH ("Službeni glasnik BiH" broj: 39/14), Komisija za javne nabavke je jednoglasno dala preporuku Općinskom načelniku da donese Odluku o izboru najpovoljnijeg ponuđača "T&A Auto" d.o.o. Visoko, za nabavku i isporuku kontejnera za smeće, zapremine 1100 litara, kao prvoplasiranom na Rang listi uz primjenu preferencijalnog tretmana domaćeg, sa ponuđenom najnižom cijenom tehnički zadovoljavajuće ponude u iznosu od 9.766,00 KM bez PDV-a, odnosno 11.426,22 KM sa uračunatim PDV-om.

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od pet dana od prijema Odluke o izboru najpovoljnijeg ponuđača izjaviti žalbu. Žalba se podnosi Uredu za razmatranje žalbi BiH putem Ugovornog organa.

Dostavljeno:


1. "ProTim" d.o.o. Sarajevo
2. "Inter-com" d.o.o. Zenica
3. "T&A Auto" d.o.o. Visoko
4. Nadležnoj Službi
5. U dosije
6. a/a

033/465-534

032/446-801

032/738-526

OPĆINSKI NAČELNIK


Edin Smajic